

“NERE HERRIARI”

I

Mila urte ta bederatzirehun
laroegi ta bederatzi
dozen erdi bat bertso nahi ditut
Nola edo ala idatzi
nere barrenko kezka nahi dizkat
herriari erakutsi
damu izatea alperrik baita
gero bihar edo etsi

II

Inoiz edo behin ni jarritzean
gure herriari begira
samintasunez negar malkoak
etortzen zaizkit begira
gure baserri zoragarriak
jetsi zaizkigu erdira
garai bateko sagasti eta
baratz ederrak nun dira

III

Garai batean nekazaritzan
«Lezo» gendun aberatsa
arto babarrun sagasti eder
ta ganadu talde latza
negargarria urte gutxitan
egina dezun mudantza
gaur zoritxarrez nagusitu da
pabriketako keatza

IV

Hau ikusi ta kezka beteta
arkitutzen zait barrua
era horretan aldatutzeko
zeinek ote du errua
nahiz eta egin nunahi pabrika
gero eta ederragua
hoietatikan ez dira sortzen
patata eta porrua

V

Agintariak entzuten jarrai
zaitezte unetxo baten
denok dakigu fundiziotan
egiñik ez dala jaten
nekazariak lguntzen hasi
lanean jarrai dezaten
kalea ere larrituko da
lurrak ezpadu ematen

VI

Lurretik ase ohi dira beti
gure gose egarriak
denbora juanta damatu gabe
hartu ditzagun neurriak
utzi pabrikak egiteari
eta zaindu baserriak
garai batean zuan itxura
haur dezan gure herriak

“ARGIÑANE”

MARTZELINO LEGORBURU